

四庫全書

子部

欽定四庫全書

子部

幾何原本卷一之首

詳校官欽天監監正臣喜常

靈臺郎臣倪廷梅覆勘

總校官編修臣王燕緒

校對官臣管靈鼎 陳際新

謄錄臣監生 周 瑛

繪圖臣監生 周履信

欽定四庫全書

子部六

幾何原本

天文算法類二

算書之屬

提要

臣等謹案幾何原本六卷西洋歐几里得撰利瑪竇譯而徐光啓所筆受也歐几里得未詳何時人其原書十三卷五百餘題利瑪竇之師丁氏為之集解又續補二卷於後共為十五卷今止六卷者徐光啓自謂譯受是書

此其最要者也其書每卷有界說有公論有
設題界說者先取所用名目解說之公論者
舉其不可疑之理設題則據所欲言之理次
第設之先其易者次其難者由淺而深由簡
而繁推之至於無以復加而後已又每題有
法有解有論有系法言題用解述題意論則
發明其所以然之理系則又有旁通者焉卷
一論三角形卷二論線卷三論圓卷四論圓

內外形卷五卷六俱論比例其餘三角方圓
邊緣面積體積比例變化相生之義無不曲
折盡顯纖微畢露光啓序稱其窮方圓平直
之情盡規矩準繩之用非虛語也且此為歐
邏巴算學專書前作後述不絕於世至歐几
里得而為是書蓋亦集諸家之成故自始至
終毫無疵類加以光啓反覆推闡其文句尤
為明顯以是弁冕西術不為過矣乾隆四十

六年十二月恭校上

總纂官臣紀昀 陸錫熊 臣 孫士毅

總校官 臣 陸費墀

幾何原本序

唐虞之世自羲和治厯暨司空后稷工虞典樂五官者
非度數不為功周官六藝數與居一焉而五藝者不以
度數從事亦不得工也襄曠之於音般墨之於械豈有
他謬巧哉精于用法爾已故嘗謂三代而上為此業者
盛有元元本本師傳曹習之學而畢喪於祖龍之馘漢
以來多任意揣摩如盲人射的虛發無效或依擬形似
如持螢燭象得首失尾至於今而此道盡廢有不得不

廢者矣幾何原本者度數之宗所以窮方圓平直之情
盡規矩準繩之用也利先生從少年時論道之暇留意
藝學且此業在波中所謂師傳曹習者其師丁氏又絕
代名家也以故極精其說而與不佞游久講談餘晷時
時及之因請其象數諸書更以華文獨謂此書未譯則
他書俱不可得論遂共翻其要約六卷既平業而復之
由顯入微從疑得信蓋不用為用衆用所基真可謂萬
象之形囿百家之學海雖實未竟然以當他書既可得

而論矣私心自謂不意古學廢絕二千年後頓獲補綴
唐虞三代之闕典遺義其裨益當世定復不小因偕二
三同志刻而傳之先生曰是書也以當百家之用度幾
有義和般墨其人乎猶其小者有大用于此將以習人
之靈才令細而確也余以為小用大用實在其人如鄧
林伐材棟梁榱桷恣所取之耳顧惟先生之學略有三
種大者修身事天小者格物窮理物理之一端別為象
數一一皆精實典要洞無可疑其分解譬析亦能使人

無疑而余乃亟傳其小者趨欲先其易信使人繹其文
想見其意理而知先生之學可信不疑大槩如是則是
書之為用更大矣他所說幾何諸家藉此為用略具其
自敘中不備論吳淞徐光啟書

欽定四庫全書

幾何原本卷一之首

西洋利瑪竇譯

界說三十六則

凡造論先當分別解說論中所用名目故曰界說
凡厯法地理樂律算章技藝工巧諸事有度有數者
皆依賴十府中幾何府屬凡論幾何先從一點始
自點引之為線線展為面面積為體是名三度

第一界

點者無分

無長短廣狹厚薄

如下圖

凡圖十干為識干盡用
十二支支盡用八卦八

音

甲

第二界

線有長無廣

試如一平面光照之有光無光之間不容一物是線

也真平真圓相遇其相遇處止有一點行則止有一線

一

線有直有曲

第三界

線之界是點

凡線有界者
兩界必是點


第四界

直線止有兩端兩端之間上下更無一點

兩點之間至徑者直線也稍曲則繞而長矣

直線之中點能遮兩界

凡量遠近皆用直線



曲線

甲乙丙是直線甲丁丙甲戊丙甲己丙皆是

第五界


面者止有長有廣

一體所見為面

凡體之影極似於面

無厚之極

想一線橫行所留之迹即成面也



第六界


面之界是線

第七界

平面一面平在界之內

平面中間線能遮兩界

平面者諸方皆作直線



試如一方面用一直繩施於一角繞面運
轉不礙於空是平面也


若曲面者則中間線不遮兩界

第八界


平角者兩直線於平面縱橫相遇交接處



凡言甲乙丙角皆指平角



如上甲乙乙丙二線平行相遇不能作角



曲線

如上甲乙乙丙二線雖相遇不作平角為是

所謂角止是兩線相遇不以線之大小較論

第九界

直線相遇作角為直線角

平地兩直線相遇為直線角本書中所論止是直線角但作角有三等今附著於此一直線角二曲線角


三雜線角 如下六圖



第十界

直線垂於橫直線之上若兩角等必兩成直角而直線下垂者謂之橫線之垂線

量法常用兩直角及垂線垂線加於橫線之上必不
作銳角及鈍角




若甲乙為橫線則丙丁又為甲乙之垂線何者丙乙
與甲乙相遇雖止一直角然甲線若垂下過乙則丙
線上下定成兩直角所以丙乙亦為甲乙之垂線如
用短尺一縱一橫互相
為直線互相為垂線

凡直線上有兩角相連是相等者定俱直角中間線為垂線

反用之若是直角則兩線定俱是垂線

第十一界

凡角大于直角為鈍角



如甲乙丙角與甲乙丁角不等而甲乙丙大於甲乙丁則甲乙丙為鈍角

第十二界

凡角小於直角為銳角

如前圖甲乙丁是

通上三界論之直角一而已鈍角銳角其大小不等
乃至無數

是後凡指言角者俱用三字為識其第二字即所指
角也 如前圖甲乙丙三字第二乙字即所指鈍角
若言甲乙丁即第二乙字是所指銳角

第十三界

界者一物之終始

今所論有三界點為線之界線為面之界面為體之界體不可為界


第十四界

或在一界或在多界之間為形

一界之形如平圓立圓等物多界之形如平方立方及平立三角六八角等物 圖見後卷

第十五界

圖者一形於平地居一界之間自界至中心作直線俱等



若甲乙丙為圜丁為中心則自甲至丁與乙至丁丙至丁其線俱等

外圓線為圜之界內形為圜

一說圜是一形乃一線屈轉一周復於元處所作如上圖甲丁線轉至乙丁乙丁轉至丙丁丙丁又至甲丁復元處其中形即成圜


第十六界

圜之中處為圜心

第十七界

自圜之一界作一直線過中心至他界為圜徑徑分圜

兩平分



甲丁乙戊圜自甲至乙過丙心作一直線
為圜徑

第十八界

徑線與半圓之界所作形為半圓

第十九界

在直線界中之形為直線形

第二十界

在三直線界中之形為三邊形

第二十一界

在四直線界中之形為四邊形

第二十二界

在多直線界中之形為多邊形

五邊以上俱是

第二十三界

三邊形三邊線等為平邊三角形



第二十四界

三邊形有兩邊線等為兩邊等三角形

或銳或鈍





第二十五界

三邊形三邊線俱不等為三不等三角形



第二十六界

三邊形有一直角為三邊直角形



第二十七界

三邊形有一鈍角為三邊鈍角形




第二十八界

三邊形有三銳角為三邊各銳角形

凡三邊形恒以下者為底在上二邊為腰


第二十九界

四邊形四邊線等而角直為直角方形



第三十界


直角形其角俱是直角其邊兩兩相等



如上甲乙丙丁形甲乙邊與丙丁邊自相等
甲丙與乙丁自相等


第三十一界

斜方形四邊等俱非直角



第三十二界

長斜方形其邊兩兩相等俱非直角




第三十三界

以上方形四種謂之有法四邊形四種之外他方形皆謂之無法四邊形




第三十四界

兩直線於同面行至無窮不相離亦不相遠而不得相遇為平行線



第三十五界

一形每兩邊有平行線為平行線方形




第三十六界

凡平行線方形若於兩對角作一直線其直線為對角

線又於兩邊縱橫各作一平行線其兩平行線與對角線交羅相遇即此形分為四平行線方形其兩形有對角線者為角線方形其兩形無對角線者為餘

方形



甲乙丁丙方形於丙乙兩角作一線為對角線又依乙丁平行作戊己線依甲乙平行作庚辛線其對角線與戊己庚辛兩線

交羅相遇於壬即作大小四平行線方形矣則庚壬

己丙及戊壬辛乙兩方形謂之角線方形而甲庚壬戊及壬己丁辛謂之餘方形

求作四則


求作者不得言不可作

第一求

自此點至彼點求作一直線

此求亦出上篇蓋自此點直行至彼點即是直線

自甲至乙或至丙至丁俱可作直線



第二求

一有界直線求從彼界直行引長之


甲 乙 丙 丁

行

如甲乙線從乙引至丙或引至丁俱一直

第三求

不論大小以點爲心求作一圓



第四求

設一度於此求作彼度較此度或大或小

凡言度者或線或面或體

是皆或言較小作大可作較大作小不可作何者小

之至極數窮盡故也此說非是凡度與數不同數

者可以長不可以短長數無窮短數有限如百數

減半成五十減之又減至一而止一以下不可損

矣自百以上增之可至無窮故曰可長不可短也
度者可以長亦可以短長者增之可至無窮短者
減之亦復無盡嘗見莊子稱一尺之棰日取其半
萬世不竭亦此理也何者自有而分不免爲有若
減之可盡是有化爲無也有化爲無猶可言也今
已分者更復合之合之又合仍爲尺棰是始合之
初兩無能并爲一有也兩無能并爲一有不可言也
公論十九則

公論者不可疑

第一論

設有多度彼此俱與他等則彼與此自相等

第二論

有多度等若所加之度等則合并之度亦等

第三論

有多度等若所減之度等則所存之度亦等

第四論

有多度不等若所加之度等則合并之度不等

第五論

有多度不等若所減之度等則所存之度不等

第六論

有多度俱倍於此度則彼多度俱等

第七論

有多度俱半於此度則彼多度亦等

第八論

有二度自相合則二度必等

以一度加一度之上

第九論

全大於其分

如一尺大於一寸寸者全尺中十分中之一分也

第十論


直角俱相等

見界說十

第十一論

有二橫直線或正或偏任加一縱線若三線之間同方

兩角小於兩直角則此二橫直線愈長愈相近必至




相遇甲乙丙丁二橫直線任意作一戊己縱
線或正或偏若戊己線同方兩角俱小於直
角或并之小於兩直角則甲乙丙丁線愈長
愈相近必有相遇之處

欲明此理宜察平行線不得相遇者界說卅四加一垂線
即三線之間定為直角便知此論兩角小於直角者
其行不得相遇矣

第十二論


兩直線不能為有界之形



第十三論

兩直線止能於一點相遇

如云線長界近相交不止一點試於丙乙二界各出



直線交於丁假令其交不止一點當引至

甲則甲丁乙宜為甲丙乙圓之徑而甲丁


丙亦如之界說十七夫甲丁乙圜之右半也而甲丁丙亦

右半也界說十七甲丁乙為全甲丁丙為其分而俱稱右

半是全與其分等也本篇九

第十四論

有幾何度等若所加之度各不等則合并之差與所加之差等




甲乙丙丁線等于甲乙加乙戊於丙丁加丁
已則甲戊大於丙已者庚戊線也而乙戊大

於丁巳亦如之

第十五論


有幾何度不等若所加之度等則合并所贏之度與元所贏之度等



如上圖反說之戊乙巳丁線不等於戊乙加乙甲於巳丁加丁丙則戊甲大於巳丙者戊庚線也而戊乙大於巳丁亦如之

第十六論


有幾何度等若所減之度不等則餘度所贏之度與減去所贏之度等



甲乙丙丁線等於甲乙減戊乙於丙丁減己丁則乙戊大於丁己者庚戊也而丙己大於甲戊亦如之

第十七論

有幾何度不等若所減之度等則餘度所贏之度與元所贏之度等



如十四論反說之甲戌丙巳線不等於甲戌
減甲乙於丙巳減丙丁則乙戌長於丁巳者
亦庚戌也與甲戌長於丙巳者等矣

第十八論

全與諸分之并等

第十九論

有二全度此全倍於彼全若此全所減之度倍於彼全

所減之度則此較亦倍於彼較

相減之餘曰較

如此度二十彼度十於二十減六於十減三則此較
十四彼較七

幾何原本卷一之首


欽定四庫全書

幾何原本卷一

西洋利瑪竇撰

第一題

于有界直線上求立平邊三角形



法曰甲乙直線上求立平邊三角形先以甲
為心乙為界作丙乙丁圓次以乙為心甲為
界作丙甲丁圓兩圓相交于丙于丁末自甲

至丙丙至乙各作直線即甲乙丙為平邊三角形

論曰以甲為心至園之界其甲乙線與甲丙甲丁線
等以乙為心則乙甲線與乙丙乙丁線亦等何者凡
為園自心至界各線俱等故

界說十五

既乙丙等于乙甲

而甲丙亦等于甲乙即甲丙亦等于乙


丙


公論一

三邊等如所求

凡論有二種此以是為論者正

論也下
做此





其用法不必作兩圓但以甲為心乙為界作近丙一短界線乙為心甲為界亦如之兩短界線交處即得丙

諸三角形俱推前用法作之

詳本篇
廿二

第二題

一直線線或內或外有一點求以點為界作直線與元線等

法曰有甲點及乙丙線求以甲為界作一

線與乙丙等先以丙為心乙為界

乙為心
丙為界

亦可

作丙乙圓



第三求

次觀甲點若在丙乙

之外則自甲至丙作甲丙線

第一求

如上前



線如上後圖兩法俱以甲丙線為底任于

圖或甲在丙乙之內則截取甲至丙一分

上下作甲丁丙平邊三角形

本篇一

次自三角形兩腰

線引長之

第二求

其丁丙引至丙乙圓界而止為丙戊

線其丁甲引之出丙乙園外稍長為甲己線末以丁
為心戊為界作丁戊園其甲己線與丁戊園相交于
庚即甲庚線與乙丙線等

論曰丁戊丁庚線同以丁為心戊庚為界

故等

界說十五

于丁戊線減丁丙丁庚線減丁

甲其所減兩腰線等則所存亦等

公論三



夫

丙戊與丙乙同以丙為心戊乙為界亦等

界說十五

即甲庚與丙乙等


公論一



若所設甲點即在丙乙線之一界其法尤易假如點
在丙即以丙為心作乙戊圓從丙至戊即所求

第三題

兩直線一長一短求于長線減去短線之度



法曰甲短線乙丙長線求于乙丙減甲先以

甲為度從乙引至別界作乙丁線本篇次以

乙為心丁為界作圓第三圓界與乙丙交于

求


戊即乙戊與等甲之乙丁等蓋乙丁乙戊同心同圓

故界說


十五

第四題

兩三角形若相當之兩腰線各等各兩腰線間之角等
則兩底線必等而兩形亦等其餘各兩角相當者俱
等



解曰甲乙丙丁戊己兩三角形之甲與丁兩
角等甲丙與丁己兩線甲乙與丁戊兩線各
等題言乙丙與戊己兩底線必等而兩三角



形亦等甲乙丙與丁戊已兩角甲丙乙與丁
已戊兩角俱等

論曰如云乙丙與戊已不等即令將甲角置

丁角之上兩角必相合無大小甲丙與丁已甲乙與

丁戊亦必相合無大小

公論

此二俱等而云乙丙與

戊已不等必乙丙底或在戊已之上為庚或在其下

為辛矣戊已既為直線而戊庚已又為直線則兩線


當別作一形是兩線能相合為形也辛倣此

公論十
二此

以非為論者駁
論也下倣此

第五題

三角形若兩腰等則底線兩端之兩角等而兩腰引出
之其底之外兩角亦等



解曰甲乙丙三角形其甲丙與甲乙兩
腰等題言甲丙乙與甲乙丙兩角等又
自甲丙線任引至戊甲乙線任引至丁

其乙丙戊與丙乙丁兩外角亦等

論曰試如甲戊線稍長即從甲戊截取一分與甲丁

等為甲已

本篇三

次自丙至丁乙至已各作直線

第一求

即甲已乙甲丁丙兩三角形必等何者此兩形之甲
角同甲已與甲丁兩腰又等甲乙與甲丙兩腰又等
則其底丙丁與乙已必等而底線兩端相當之各兩

角亦等矣

本篇四


又乙丙已與丙乙丁兩

三角形亦等何者此兩形之丙丁乙與

乙已丙兩角既等

本論

而甲已甲丁兩腰



各減相等之甲丙甲乙線即所存丙已乙丁兩腰又

等

三公論

丙丁與乙已兩底又等

本論

又乙丙同腰即乙

丙丁與丙乙已兩角亦等也則丙之外乙丙已角與

乙之外丙乙丁角必等矣

本篇四

次觀甲乙已與甲丙

丁兩角既等于甲乙已減丙乙已角甲丙丁減乙丙

丁角則所存甲丙乙與甲乙丙兩角必等


三公論



增從前形知三邊等形其三角俱等

第六題

三角形若底線兩端之兩角等則兩腰亦等



解曰甲乙丙三角形其甲乙丙與甲丙乙
兩角等題言甲乙與甲丙兩腰亦等

論曰如云兩腰線不等而一長一短試辯之若甲乙

為長線即令比甲丙線截去所長之度為乙丁線而

乙丁與甲丙等

本篇三

次自丁至丙作直線則本形成


兩三角形其一為甲乙丙其一為丁乙丙而甲乙丙

全形與丁乙丙分形同也是全與其分等也

公論九

何

者彼言丁乙丙分形之乙丁與甲乙丙全形之甲丙
 兩線既等丁乙丙分形之乙丙與甲乙丙全形之乙
 丙又同線而元設丁乙丙與甲丙乙兩角
 等則丁乙丙與甲乙丙兩形亦等也
 是全與其分等也故底線兩端之兩角等者兩腰必
 等也



第七題

一線為底出兩腰線其相遇止有一點不得別有腰線

與元腰線等而于此點外相遇



解曰甲乙線為底于甲于乙各出一線至丙
點相遇題言此為一定之處不得于甲上更
出一線與甲丙等乙上更出一線與乙丙等
而不予丙相遇


論曰若言有別相遇于丁者即問丁當在丙內邪丙
外邪若言丁在丙內則有二說俱不可通何者若言
丁在甲丙元線之內則如第一圖丁在甲丙兩界之

間矣如此即甲丁是甲丙之分而云甲丙與甲丁等也是全與其分等也

公論九

若言丁在甲丙乙三角頂

間則如第二圖丁在甲丙乙之間矣即今自丙至丁作丙丁線而乙丁丙甲丁丙又成兩三角形次從乙丁引出至已從乙丙引出至戊則乙丁丙形之乙丁乙丙兩腰等者其底線兩端之兩角乙丁丙乙丙丁




亦等也

本篇五

而甲丁丙形之甲丁甲丙兩腰

宜亦等也其底之外兩角已丁丙戊丙丁宜



等者其底線兩端之兩角甲丙丁甲丁丙宜

亦等也

本篇五

夫甲丙丁角本小于戊丙丁角

而為其分今言甲丁丙與甲丙丁兩角等則

甲丁丙亦小于戊丙丁矣何況已丁丙又甲

丁丙之分更小于戊丙丁可知何言底外兩

角等乎若言丁在丙外又有三說俱不可通

何者若言丁在甲丙元線外是丁甲即在丙甲元線


之上則甲丙與甲丁等矣即如上第一說駁之若言

丁在甲丙乙三角頂外即如上第二說駁之若言丁
在丙外而後出二線一在三角形內一在其外甲丁
線與乙丙線相交如第五圖即令將丙丁相聯作直
線是甲丁丙又成一三角形而甲丙丁宜與甲丁丙
兩角等也
本篇五夫甲丁丙角本小于丙丁乙角而為
其分據如彼論則甲丙丁角亦小于丙丁乙角矣又
丙丁乙亦成一三角形而丙丁乙宜與丁丙乙兩角
等也
本篇五夫丁丙乙角本小于甲丙丁角而為其分


據如彼論則丙丁乙角亦小于甲丙丁角矣此二說者豈不自相戾乎

第八題

兩三角形若相當之兩腰各等兩底亦等則兩腰間角必等



解曰甲乙丙丁戊己兩三角形其甲乙與丁戊兩腰甲丙與丁己兩腰各等乙丙與戊己兩底亦等題言甲與丁兩角必等



論曰試以丁戊己形加于甲乙丙形之上問

丁角在甲角上邪否邪若在上即兩角等矣

公論

八

或謂不然乃在于庚即問庚當在丁戊

線之內邪或在三角頂之內邪或在三角頂之外邪


皆依前論駁之

本篇
七

系本題止論甲丁角若旋轉依法論之即三角皆同
可見凡線等則角必等不可疑也

第九題

有直線角求兩平分之



法曰乙甲丙角求兩平分之先于甲乙

線任截一分為甲丁

本篇三

次于甲丙亦

截甲戊與甲丁等次自丁至戊作直線次以丁戊為

底立平邊三角形

本篇一

為丁戊已形末自己至甲作

直線即乙甲丙角為兩平分

論曰丁甲已與戊甲已兩三角形之甲丁與甲戊兩


線等甲已同是一線戊已與丁已兩底又等

何言兩底等初

從戊丁底作此三角平形
此二線為腰各等戊丁故則丁甲已與戊甲已兩角

必等

本篇八



用法如上截取甲丁甲戊即以丁為
心向乙丙間任作一短界線次用元

度以戊為心亦如之兩界線交處得已

本篇一

第十題

一有界線求兩平分之二



法曰甲乙線求兩平分先以甲乙為底作甲



乙丙兩邊等三角形

本篇一

次以甲丙乙角兩

平分之

本篇九

得丙丁直線即分甲乙于丁

論曰丙丁乙丙丁甲兩三角形之丙乙丙甲兩腰等

而丙丁同線甲丙丁與乙丙丁兩角又等

本篇九


則甲

丁與乙丁兩線必等

本篇四

用法以甲為心任用一度但須長于甲

乙線之半向上向下各作一短界線次




用元度以乙為心亦如之兩界線交處即丙丁末

作丙丁直線即分甲乙于戊

第十一題

一直線任于一點上求作垂線

法曰甲乙直線任指一點于丙求丙上作垂線先于



丙左右任用一度各截一界為丁為戊

本篇本

二次以丁戊為底作兩邊等角形

本篇本

為

丁已戊末自己至丙作直線即已丙為甲

乙之垂線

論曰丁巳丙與戊巳丙兩角形之巳丁巳戊兩腰等

而已丙同線丙丁與丙戊兩底又等即兩形必等丁

與戊兩角亦等本篇五丁巳丙與戊巳丙兩角亦等本篇


八九則丁丙巳與戊丙巳兩角必等矣等即是直角直

角即是垂線界說十此後三角形多稱角形省文也


用法于丙點左右如上截取丁與戊即

以丁為心任用一度但須長于丙丁線


向丙上方作短界線次用元度以戊為心亦如之




兩界線交處即已



又用法于丙左右如上截取丁與戊
即任用一度以丁為心于丙上下方
各作短界線次用元度以戊為心亦
如之則上交為已下交為庚末作已庚直線視直
線交于丙點即得是用法又為嘗巧之法



增若甲乙線所欲立垂線之點乃在線
末甲界上甲外無餘線可截則于甲乙



線上任取一點為丙如前法于丙上立

丁丙垂線次以甲丙丁角兩平分之本

九為已丙線次以甲丙為度于丁丙垂

線上截戊丙線本篇次于戊上如前法

立垂線與已丙線相遇為庚末自庚至甲作直線

如所求

論曰庚甲丙與庚丙戊兩角形之甲丙戊丙兩線

既等庚丙同線戊丙庚與甲丙庚兩角又等即甲

庚戌庚兩線必等

本篇四

而對同邊之甲角戊角亦


等

本篇四

戊既直角則甲亦直角是甲庚為甲乙之

垂線

界說十



用法甲點上欲立垂線先以甲為心向

元線上方任抵一界作丙點次用元度

以丙為心作大半圓園界與甲乙線相遇為丁次

自丁至丙作直線引長之至戊為戊丁線戊丁與

園界相遇為己未自己至甲作直線即所求


此法今未

能論論見第三

卷第三十一題

第十二題

有無界直線線外有一點求于點上作垂線至直線上



法曰甲乙線外有丙點求從丙作垂線至

甲乙先以丙為心作一圓令兩交于甲乙


線為丁為戊次從丁戊各作直線至丙次

兩平分丁戊于己


本篇

末自丙至己作直線即丙己

為甲乙之垂線




等則丙已丁與丙已戊等皆直角本篇而丙已定為垂線矣



用法以丙為心向直線兩處各作短界線為甲為乙次用元度以甲為心向丙點相望處作短界線乙為心亦如之兩界線

論曰丙已丁丙已戊兩角形之丙丁丙戊兩線等丙已同線則丙戊已與丙丁已兩角必等本篇而丁丙已與戊丙已兩角又

交處為丁末自丙至丁作直線則丙戌為垂線



又用法于甲乙線上近甲近乙任取
一點為心以丙為界作一圓界于丙
點及相望處各稍引長之次于甲乙
線上視前心或相望如前圖或進或
退如後圖任移一點為心以丙為界
作一圓界至與前圓交處得丁末自

丙至丁作直線得戊

若近界作垂線無
可截取亦用此法


第十三題

一直線至他直線上所作兩角非直角即等于兩直角

解曰甲線下至丙丁線遇于乙其甲乙丙與

甲乙丁作兩角題言此兩角當是直角若非

直角即是一銳一鈍而并之等于兩直角



論曰試于乙上作垂線為戊乙

本篇十一

今戊乙

丙與戊乙丁為兩直角即甲乙丁甲乙戊兩銳角并

之與戊乙丁直角等矣次于甲乙丁甲乙戊兩銳角

又加戊乙丙一直角并此三角定與戊乙丙戊乙丁

兩直角等也公論十八次于甲乙戊又加戊乙丙并此銳

直兩角定與甲乙丙鈍角等也次于甲乙戊戊乙丙

銳直兩角又加甲乙丁銳角并此三角定與甲乙丁


甲乙丙銳鈍兩角等也夫甲乙丁甲乙戊戊乙丙三

角既與兩直角等則甲乙丁與甲乙丙兩角定與兩

直角等公論一

第十四題

一直線于線上一點出不同方兩直線偕元線每旁作
兩角若每旁兩角與兩直角等即後出兩線為一直
線




解曰甲乙線于丙點上左出一線為丙丁
右出一線為丙戊若甲丙戊甲丙丁兩角
與兩直角等題言丁丙與丙戊是一直線
論曰如云不然今別作一直線必從丁丙更引出一
線或離戊而上為丁丙已或離戊而下為丁丙庚也

若上于戊則甲丙線至丁丙已直線上為甲丙已甲

丙丁兩角此兩角宜與兩直角等

本篇十三

如此即甲丙



戊甲丙丁兩角與甲丙已甲丙丁兩角亦

等矣試減甲丙丁角而以甲丙戊與甲丙

已兩角較之果相等乎

三 公論

夫甲丙已本

小于甲丙戊而為其分今日相等是全與其分等也

公論九

若下于戊則甲丙線至丁丙庚直線上為甲丙

庚甲丙丁兩角此兩角宜與兩直角等

本篇十三

如此即

甲丙庚甲丙丁兩角與甲丙戊甲丙丁兩角亦等矣

試減甲丙丁角而以甲丙戊與甲丙庚較之果相等

乎

三 公論

夫甲丙戊實小于甲丙庚而為其分今曰相

等是全與其分等也

九 公論


兩者皆非則丁丙戊是一

直線

第十五題

凡兩直線相交作四角每兩交角必等

解曰甲乙與丙丁兩線相交于戊題言甲戊丙與丁



戊乙兩角甲戊丁與丙戊乙兩角各等

論曰丁戊線至甲乙線上則甲戊丁丁戊乙

兩角與兩直角等

本篇十三

甲戊線至丙丁線上則甲戊

丙甲戊丁兩角與兩直角等

本篇十三

如此即丁戊乙甲

戊丁兩角亦與甲戊丁甲戊丙兩角等

公論十

試減同

用之甲戊丁角其所存丁戊乙甲戊丙兩角必等


公論

三 又丁戊線至甲乙線上則甲戊丁丁戊乙兩角與

兩直角等

本篇十三

乙戊線至丙丁線上則丁戊乙丙戊



乙兩角與兩直角等

本篇十三

如此即甲戊丁丁

戊乙兩角亦與丁戊乙丙戊乙兩角

公論

試

減同用之丁戊乙角其所存甲戊丁丙戊乙必等

一系推顯兩直線相交于中點上作四角與四直角

等


二系一點之上兩直線相交不論幾許線幾許角定

與四直角等

公論十八

增題一直線內出不同方兩直線而所作兩交角

等即後出兩線為一直線



解曰甲乙線內取丙點出丙丁丙戊兩線而所作甲丙戊丁丙乙兩交角等或

甲丙丁戊丙乙兩交角等題言戊丙丙丁即一直

線

論曰甲丙戊角既與丁丙乙角等每加一戊丙乙

角即甲丙戊戊丙乙兩角必與丁丙乙戊丙乙兩

角等

公論

而甲丙戊戊丙乙與兩直角等

本篇

十三則


丁丙乙戊丙乙亦與兩直角等是戊丙丙丁為一

直線

本篇
十四

第十六題


凡三角形之外角必大于相對之各角



解曰甲乙丙角形自乙甲線引之至丁
題言外角丁甲丙必大于相對之內角

甲乙丙甲丙乙

論曰欲顯丁甲丙角大于甲丙乙角試以甲丙線兩



平分于戊

本篇

自乙至戊作直線引長之

從戊外截取戊己與乙戊等

本篇

次自甲

至己作直線即甲戊己戊乙丙兩角形之

戊己與戊乙兩線等戊甲與戊丙兩線等甲戊己乙

戊丙兩交角又等

本篇

則甲己與乙丙兩底亦等

本篇

四

兩形之各邊各角俱等而已甲戊與戊丙乙兩角

亦等矣夫己甲戊乃丁甲丙之分則丁甲丙大于己

甲戊亦大于相等之戊丙乙而丁甲丙外角不大于

相對之甲丙乙內角乎次顯丁甲丙大于甲乙丙試

自丙甲線引長之至庚次以甲乙線兩平分于辛本篇

^十自丙至辛作直線引長之從辛外截取辛壬與丙

辛等本篇次自甲至壬作直線依前論推顯甲辛壬

辛丙乙兩角形之各邊各角俱等則壬甲辛與辛

丙兩角亦等矣夫壬甲辛乃庚甲乙之分必小于庚


甲乙也庚甲乙又與丁甲丙兩交角等本篇則甲乙

丙內角不小于丁甲丙外角乎其餘乙丙上作外角

俱大于相對之內角依此推顯

第十七題

凡三角形之每兩角必小于兩直角



解曰甲乙丙角形題言甲乙丙甲丙乙兩角丙甲乙甲乙丙兩角甲丙乙丙甲乙兩角皆小于兩直角

論曰試用兩邊線丙甲引出至戊丙乙引出至丁即甲乙丁外角大于相對之甲丙乙內角矣


本篇十六

此兩

率者每加一甲乙丙角則甲乙丁甲乙丙必大于甲
 丙乙甲乙丙矣公論夫甲乙丁甲乙丙與兩直角等
 也本篇則甲丙乙甲乙丙小于兩直角也餘二倣此

第十八題

凡三角形大邊對大角小邊對小角



解曰甲乙丙角形之甲丙邊大于甲乙邊乙
 丙邊題言甲乙丙角大于乙丙甲角乙甲丙

角

論曰甲丙邊大于甲乙邊即于甲丙線上截甲丁與

甲乙等

本篇三

自乙至丁作直線則甲乙丁與甲丁乙

兩角等矣

本篇五

夫甲丁乙角者乙丙丁角形之外角

必大于相對之丁丙乙內角

本篇十六

則甲乙丁角亦大

于甲丙乙角而況甲乙丙又涵甲乙丁于其中不又

大于甲丙乙乎如乙丙邊大于甲乙邊則乙甲丙角

亦大于甲丙乙角依此推顯

第十九題

凡三角形大角對大邊小角對小邊



解曰甲乙丙三角形乙角大于丙角題言對乙角之甲丙邊必大于對丙角之甲乙邊

論曰如云不然令言或等或小若言甲丙與甲乙等則甲丙角宜與甲乙角等矣

本篇五

何設乙角大于丙

角也若言甲丙小于甲乙則甲丙邊對甲乙大角宜大


本篇十八

又何言小也如甲角大于丙角則乙丙邊大

于甲乙邊依此推顯

第二十題

凡三角形之兩邊并之必大于一邊



解曰甲乙丙角形題言甲丙甲乙邊并之必
大于乙丙邊甲丙乙并之必大于甲乙甲
乙乙丙并之必大于甲丙

論曰試于丙甲邊引長之以甲乙為度截取甲丁

本篇

三自丁至乙作直線令甲丁甲乙兩腰等而甲丁乙

甲乙丁兩角亦等

本篇


即丙乙丁角大于甲乙丁角

亦大于丙丁乙角矣夫丁丙邊對丙乙丁大角也豈
不大于乙丙邊對丙丁乙小角者乎本篇十九又甲丁甲
乙兩線各加甲丙線等也則甲乙加甲丙者與丙丁
等矣丙丁既大于乙丙則甲乙甲丙兩邊并必大于
乙丙邊也餘二倣此

第二十一題

凡三角形于一邊之兩界出兩線復作一三角形在其
內則內形兩腰并之必小于相對兩腰而後兩線所

作角必大于相對角



解曰甲乙丙角形于乙丙邊之兩界各出一線遇于丁題言丁丙丁乙兩線并必小于甲乙甲丙并而乙丁丙角必大于乙甲丙角

論曰試用內一線引長之如乙丁引之至戊即乙甲

戊角形之乙甲甲戊兩線并必大于乙戊線也

本篇二十

此二率者每加一戊丙線則乙甲甲戊戊丙并必大

于乙戊戊丙并矣

公論四

又戊丁丙角形之戊丁戊丙

線并必大于丁丙線也此二率者每加一丁乙線則
戊丁戊丙丁乙并必大于丁丙丁乙并矣公論夫乙
甲甲戊戊丙既大于乙戊戊丙豈不更大于丁丙丁
乙乎本篇又乙甲戊角形之丙戊丁外角大于相對
之乙甲戊內角本篇即丁戊丙角形之乙丁丙外角
更大于相對之丁戊丙內角矣而乙丁丙角豈不更
大于乙甲丙角乎

第二十二題

三直線求作三角形其每兩線并大于一線也

法曰甲乙丙三線其第一第二線并大于

第三線

若兩線比第三線或等或小即不能作三角形見本篇二十

求


作三角形先作丁戌線長于三線并次

以甲為度從丁截取丁巳線

三本篇

以乙為

度從己截取己庚線以丙為度從庚截取



庚辛線次以巳為心丁為界作丁壬癸圈以庚為心

辛為界作辛壬癸圜其兩圜相遇下為壬上為癸末

以庚己為底作癸庚癸己兩直線即得己癸庚三角

形

用壬亦可作 若丁壬癸圍不到子辛壬癸圍不
到丑即是兩線或等或小于第三線不成三角形


矣

論曰此角形之丁己己癸線皆同圍之半徑等

界說
十五

則己癸與甲等庚辛庚癸線亦皆同圍之半徑等則
庚癸與丙等己庚元以乙為度則角形三線與所設
三線等

用法任以一線為底以底之一界為心第




二線為度向上作短界線次以又一界為
心第三線為度向上作短界線兩界線交
處向下作兩腰如所求

若設一三角形求別作一形與之等亦用
此法

第二十三題

一直線任于一點上求作一角與所設角等

法曰甲乙線于丙點求作一角與丁戊己角等先于



與庚辛底又等則丙角與戊角必等

本篇
八

第二十四題

兩三角形相當之兩腰各等若一形之腰間角大則底亦大



戊丁線任取一點為庚于戊己線任取一點為辛自庚至辛作直線次依甲乙線作

丙壬癸角形與戊庚辛角形等

本篇
廿二

即丙

壬丙癸兩腰與戊庚戊辛兩腰等壬癸底



解曰甲乙丙與丁戊己兩角形其甲乙與丁

戊兩腰甲丙與丁己兩腰各等若乙甲丙角

大于戊丁己角題言乙丙底必大于戊己底

論曰試依丁戊線從丁點作戊丁庚角與乙

甲丙角等

本篇
廿三

則戊丁庚角大于戊丁己角



而丁庚腰在丁己之外矣次截丁庚線與丁

己等

本篇
三

即丁庚丁己俱與甲丙等又自戊

至庚作直線是甲乙與丁戊甲丙與丁庚腰



線各等乙甲丙與戊丁庚兩角亦等而乙丙
與戊庚兩底必等也

本篇四

次問所作戊庚底

今在戊己底上邪抑同在一線邪抑在其下

邪若在上即如第二圖自己至庚作直線則

丁庚己角形之丁庚丁己兩腰等而丁庚己


與丁己庚兩角亦等矣

本篇五

夫戊庚己角乃

丁庚己角之分必小于丁庚己亦必小于相

等之丁己庚而丁己庚又戊己庚角之分則



戊庚己益小于戊己庚也

九公論

則對戊庚己

小角之戊己腰必小于對戊己庚大角之戊

庚腰也

本篇十九

若戊己與戊庚兩底同線即如

第四圖戊己乃戊庚之分則戊己必小于戊

庚也

九公論

若戊庚在戊己之下即如第六圖自己至

庚作直線次引丁庚線出于壬引丁己線出于辛則

丁庚丁己兩腰等而辛己庚壬庚己兩外角亦等矣

本篇五

夫戊庚己角乃壬庚己角之分必小于壬庚己

亦必小于相等之辛巳庚而辛巳庚又戊巳庚角之

分則戊庚巳益小于戊巳庚也

九公論

則對戊庚巳小

角之戊巳腰必小于對戊巳庚大角之戊庚腰也

本篇

十是三戊巳皆小于等戊庚之乙丙


本篇

四也

第二十五題

兩三角形相當之兩腰各等若一形之底大則腰間角亦大

解曰甲乙丙與丁戊巳兩角形其甲乙與丁戊甲丙



與丁已各兩腰等若乙丙底大于戊己底題

言乙甲丙角大于戊丁己角

論曰如云不然令言或小或等若言等則兩

形之兩腰各等腰間角又等宜兩底亦等本篇四何設


乙丙底大也若言乙甲丙角小則對乙甲丙角之乙

丙線宜亦小本篇廿四何設乙丙底大也

第二十六題 二支

兩三角形有相當之兩角等及相當之一邊等則餘兩

邊必等餘一角亦等其一邊不論在兩角之內及一角之對



先解一邊在兩角之內者曰甲乙丙角形之
甲乙丙甲丙乙兩角與丁戊己角形之丁戊
己丁己戊兩角各等在兩角內之乙丙邊與
戊己邊又等題言甲乙與丁戊兩邊甲丙與丁己兩
邊各等而乙甲丙角與戊丁己角亦等

論曰如云兩邊不等而丁戊大于甲乙今于丁戊線

截取庚戌與甲乙等

本篇三

次自庚至己作直線即庚

戌己角形之庚戌戌己兩邊宜與甲乙乙丙兩邊等

矣夫乙角與戌角元等則甲丙與庚己宜等

本篇四

而

庚己戌角與甲丙乙角宜亦等也

本篇四

既設丁己戌

與甲丙乙兩角等今又言庚己戌與甲丙乙兩角等


是庚己戌與丁己戌亦等全與其分等矣


公論

九

以此見兩邊必等兩邊既等則餘一角亦

等





後解相等邊不在兩角之內而在一角之對
 者曰甲乙丙角形之乙角丙角與丁戊己角
 形之戊角丁己戊角各等而對丙之甲乙邊
 與對己之丁戊邊又等題言甲丙與丁己兩邊丙乙
 與己戊兩邊各等而甲角與戊丁己角亦等

論曰如云兩邊不等而戊己大于乙丙今于戊己線

截取戊庚與乙丙等

本篇三

次自丁至庚作直線即丁

戊庚角形之丁戊戊庚兩邊宜與甲乙乙丙兩邊等

矣夫乙角與戊角元等則甲丙與丁庚宜等

本篇四

而

丁庚戊角與甲丙乙角宜亦等也既設丁已戊與甲

丙乙兩角等今又言丁庚戊與甲丙乙兩角等是丁

庚戊外角與相對之丁已戊內角等矣

本篇十六


可乎以

此見兩邊必等兩邊既等則餘一角亦等

第二十七題

兩直線有他直線交加其上若內相對兩角等即兩直

線必平行



解曰甲乙丙丁兩直線加他直線戊己交于
庚于辛而甲庚辛與丁辛庚兩角等題言甲
乙丙丁兩線必平行

論曰如云不然則甲乙丙丁兩直線必至相

遇于壬而庚辛壬成三角形則甲庚辛外角宜大于

相對之庚辛壬內角矣

本篇十六


乃先設相等乎若設乙

庚辛角與丙辛庚角等亦依此論若言甲乙丙丁兩

直線相遇于癸亦依此論

第二十八題 二支

兩直線有他直線交加其上若外角與同方相對之內角等或同方兩內角與兩直角等即兩直線必平行



先解曰甲乙丙丁兩直線加他直線戊己交于庚于辛其戊庚甲外角與同方相對之庚辛丙內角等題言甲乙丙丁兩線必平行

論曰乙庚辛角與相對之內角丙辛庚等

本篇本

七 戊庚甲與乙庚辛兩交角亦等

本篇十五

即兩直線必

平行

後解曰甲庚辛丙辛庚兩內角與兩直角等題言甲乙丙丁兩線必平行

論曰甲庚辛丙辛庚兩角與兩直角等而甲庚戊甲庚辛兩角亦與兩直角等

本篇十三

試減同用之甲庚辛


即所存甲庚戊與丙辛庚等矣既外角與同方相對之內角等即甲乙丙丁必平行

本題

第二十九題

三支

兩平行線有他直線交加其上則內相對兩角必等外角與同方相對之內角亦等同方兩內角亦與兩直角等



先解曰此反前二題故同前圖有甲乙丙丁二平行線加他直線戊己交于庚于辛題言甲庚辛與丁辛庚內相對兩角必等

論曰如云不然而甲庚辛大于丁辛庚則丁辛庚加

辛庚乙宜小于辛庚甲加辛庚乙矣

公論四

夫辛庚甲

辛庚乙元與兩直角等

本篇十三

據如彼論則丁辛庚辛

庚乙兩角小于兩直角而甲乙丙丁兩直線向乙丁

行必相遇也

公論十一

可謂平行線乎

次解曰戊庚甲外角與同方相對之庚辛丙內角等

論曰乙庚辛與相對之丙辛庚兩內角等

本題

則乙庚

辛交角相等之戊庚甲

本篇十五

與丙辛庚必等

公論一

後解曰甲庚辛丙辛庚兩內角與兩直角等

論曰戊庚甲與庚辛丙兩角既等

本題

而每加一甲庚

辛角則庚辛丙甲庚辛兩角與甲庚辛戊庚甲兩角

必等

公論二

夫甲庚辛戌庚甲本與兩直角等

本篇則十三

甲庚辛丙辛庚兩內角亦與兩直角等

第三十題


兩直線與他直線平行則元兩線亦平行

解曰此題所指線在同面者不同面線後別有論如

甲乙丙丁兩直線各與他線戊己平行題言甲乙與

丙丁亦平行

論曰試作庚辛直線交加于三直線甲乙于壬戌己



于子丙丁于癸其甲乙與戊己既平

行即甲壬子與相對之己子壬兩內

角等

本篇廿九

丙丁與戊己既平行即丁

癸子內角與己子壬外角亦等

本篇廿九

丁癸子與甲壬子亦為相對之內角亦等

公論一


而甲

乙丙丁為平行線

本篇廿七

第三十一題

一點上求作直線與所設直線平行



法曰甲點上求作直線與乙丙平行先從甲點

向乙丙線任指一處作直線為甲丁即乙丙線上

成甲丁乙角次于甲點上作一角與甲丁乙等

本篇

三 廿 為戊甲丁從戊甲線引之至己即己戊與乙丙平行



論曰戊己乙丙兩線有甲丁線聯之其所作戊甲丁

與甲丁乙相對之兩內角等即平行線


本篇
廿七

增從此題生一用法設一角兩線求作有法四邊

形有角與所設角等兩兩邊線與所設線等



法曰先作已丁戊角與丙等次截丁戊
 線與甲等已丁線與乙等末依丁戊平
 行作已庚依已丁平行作庚戊即所求
 本題用法于甲點求作直線與乙丙平行
 先作甲丁線次以丁為心任作戊已圓界
 次用元度以甲為心作庚辛圓界稍長于
 戊已次取戊已圓界為度于庚辛圓界截取庚辛
 末自甲至辛作直線各引長之即所求



又用法以甲點為心于乙丙線近乙處任
指一點作短界線為丁次用元度以丁為
心于乙丙上向丙截取一分作短界線為
戊次用元度以戊為心向上與甲平處作短界線
又用元度以甲為心向甲平處作短界線後兩界
線交處為己自甲至己作直線各引長之即所求

第三十二題

二支

凡三角形之外角與相對之內兩角并等凡三角形之

內三角并與兩直角等


先解曰甲乙丙角形試從乙丙邊引至丁題言甲丙

丁外角與相對之內兩角甲乙并等

論曰試作戊丙線與甲乙平行

本篇三十一

今甲丙



為甲乙戊丙之交加線則乙甲丙角與相對

之甲丙戊角等

本篇廿九

又乙丁線與兩平行線相遇則

戊丙丁外角與相對之甲乙丙內角等

本篇廿九

既甲丙

戊與乙甲丙等而戊丙丁與甲乙丙又等則甲丙丁

外角與內兩角甲乙并等矣

後解曰甲乙丙三角并與兩直角等

論曰既甲丙丁角與甲乙兩角并等更于甲丙丁加

甲丙乙則甲丙丁甲丙乙兩角并與甲乙丙內三角

并等矣

二 公論


夫甲丙丁甲丙乙并元與兩直角等

本篇

十則甲乙丙內三角并亦與兩直角等

增從此推知凡第一形當兩直角第二形當四直

角第三形當六直角自此以上至于無窮每命形



之數倍之為所當直角之數

凡一線二線不能為形故三邊

為第一形四邊為第二形五邊為第三形六邊為第四形倣此以至無窮又視每

形邊數減二邊即所存邊數是本形之數

論曰如上四圖第一形三邊減二邊存一邊

即是本形一數倍之當兩直角



本題

第二形四

邊減二邊存二邊即是本形二數倍之當四

直角欲顯此理試以第二形作一對角線成兩三

角形每形當兩直角并之則當四直角矣第三形



五邊減二邊存三邊即是本形三數倍之當

六直角欲顯此理試以第三形作兩對角線

成三三角形每形當兩直角并之亦當六直

角矣其餘依此推顯以至無窮

又一法每形視其邊數每邊當兩直角而減

四直角其存者即本形所當直角

論曰欲顯此理試于形中任作一點從此點向各

角俱作直線令每形所分角形之數如其邊數每



一分形三角當二直角本題其近點之處不論

幾角皆當四直角

本篇十次減近點諸角即

是減四直角其存者則本形所當直角如上

第四形六邊中間任指一點從點向各角分

為六三角形每一分形三角六形共十八角

今于近點處減當四直角之六角所存近邊

十二角當八直角餘倣此

一系凡諸種角形之三角并俱相等


本題

增

二系凡兩腰等角形若腰間直角則餘兩角每當直角之半腰間鈍角則餘兩角俱小于半直角腰間銳角則餘兩角俱大于半直角

三系平邊角形每角當直角三分之二

四系平邊角形若從一角向對邊作垂線分為兩角形此分形各有一直角在垂線之下兩旁則垂線之上兩旁角每當直角三分之一其餘兩角每當直角三分之二



增從三系可分一直角為三平分其法任
于一邊立平邊角形次分對直角一邊為

兩平分從此邊對角作垂線即所求如上圖甲乙


丙直角求三分之先于甲乙線上作甲乙丁平邊

角形本篇次平分甲丁于戊本篇末作乙戊直線

第三十三題

兩平行相等線之界有兩線聯之其兩線亦平行亦相

等



解曰甲乙丙丁兩平行相等線有甲丙乙丁
兩線聯之題言甲丙乙丁亦平行相等線

論曰試作甲丁對角線為甲乙丙丁之交加

線即乙甲丁丙丁甲相對兩內角等

本篇
廿九

又甲丁線

上下兩角形之甲乙丙丁兩邊既等甲丁同邊則對

乙甲丁角之乙丁線與對丙丁甲角之甲丙線亦等

本篇
廿九

而乙丁甲與丙甲丁兩角亦等也

本篇
四

此兩角


者甲丙乙丁之內相對角也兩角既等則甲丙乙丁

兩線必平行

本篇
廿七

第三十四題

凡平行線方形每相對兩邊線各等每相對兩角各等
對角線分本形兩平分



解曰甲乙丁丙平行方形

界說
三五

題言甲乙與

丙丁兩線甲丙與乙丁兩線各等又言乙與

丙兩角乙甲丙與丙丁乙兩角各等又言若

作甲丁對角線即分本形為兩平分

論曰甲乙與丙丁既平行則乙甲丁與丙丁甲相對

之兩內角等

本篇廿九

甲丙與乙丁既平行則乙丁甲與

丙甲丁相對之兩內角等

本篇廿九

甲乙丁角形之乙甲

丁乙丁甲兩角與甲丁丙角形之丙丁甲丙甲丁兩

角既各等甲丁同邊則甲乙與丙丁甲丙與乙丁俱

等也而丙角與相對之乙角亦等矣

本篇廿六

又乙丁甲

角加丙丁甲角與丙甲丁角加乙甲丁角既等即乙

甲丙與丙丁乙相對兩角亦等也

公論二

又甲乙丁甲

丁丙兩角形之甲乙乙丁兩邊與丁丙丙甲兩邊各等腰間之乙角與丙角亦等則兩角形必等


本篇四

而

甲丁線分本形為兩平分

第三十五題

兩平行方形若同在平行線內又同底則兩形必等



解曰甲乙丙丁兩平行線內有丙丁戊甲與丙丁乙已兩平行方形同丙丁底題言此兩形等等者不謂腰等角等謂所函之地等後

言形等者多做此

先論曰設已在甲戌之內其丙丁戌甲與丙丁乙已

皆平行方形丙丁同底則甲戌與丙丁已乙與丙丁

各相對之兩邊各等

本篇三四

而甲戌與已乙亦等

公論一

試于甲戌已乙兩線各減已戌即甲已與戌乙亦等

公論

而甲丙與戌丁元等

本篇三四

乙戌丁外角與已甲

丙內角又等

本篇廿九

則乙戌丁與已甲丙兩角形必等

矣

本篇四

次于兩角形每加一丙丁戌已無法四邊形

則丙丁戊甲與丙丁乙已兩平行方形等也

二 公論

次論曰設已戊同點依前甲戊與戊乙等乙

戊丁與戊甲丙兩角形等

本篇四

而每加一戊

丁丙角形則丙丁戊甲與丙丁乙戊兩平行

方形必等

二 公論



後論曰設已點在戊之外而丙已與戊丁兩


線交于庚依前甲戊與已乙兩線等而每加

一戊已線即戊乙與甲已兩線亦等

二 公論

因





顯已甲丙與乙戊丁兩角形亦等

本篇四

次每

減一已戊庚角形則所存戊庚丙甲與乙已

庚丁兩無法四邊形亦等

公論三

次于兩無法

形每加一庚丁丙角形則丙丁戊甲與丙丁


乙已兩平行方形必等

公論二

第三十六題

兩平行線內有兩平行方形若底等則形亦等

解曰甲乙丙丁兩平行線內有甲丙戊已與庚辛丁



乙兩平行方形而丙戊與辛丁兩底等題言
兩形亦等

論曰試自丙至庚戊至乙各作直線相聯其

丙戊庚乙各與辛丁等則丙戊與庚乙亦等

本篇
卅四

庚

乙與丙戊既平行線則庚丙與乙戊亦平行線

本篇
卅三

而甲丙戊己與庚丙戊乙兩平行方形同丙戊底者

等矣

本篇
三五

庚辛丁乙與庚丙戊乙兩平行方形同庚

乙底者亦等矣

本篇
三五


既爾則庚辛丁乙與甲丙戊己

亦等

公論

第三十七題

兩平行線內有兩三角形若同底則兩形必等



解曰甲乙丙丁兩平行線內有甲丙丁乙丙

丁兩角形同丙丁底題言兩形必等


論曰試自丁至戊作直線與甲丙平行次自

丁至己作直線與乙丙平行

本篇三一

夫甲丙丁戊乙丙

丁己兩平行方形在甲乙丙丁兩平行線內同丙丁



底既等

本篇三五

則甲丙丁角形為甲丙丁戊方

形之半與乙丙丁角形為乙丙丁己方形之

半者


甲丁乙丁兩對角線平分兩方形見本篇卅四

亦等

公論七

第三十八題

兩平行線內有兩三角形若底等則兩形必等



解曰甲乙丙丁兩平行線內有甲丙戊與乙

己丁兩角形而丙戊與己丁兩底等題言兩


形必等

論曰試自庚至戊辛至丁各作直線與甲丙乙巳平

行本篇廿一其甲丙戊庚與乙巳丁辛兩平行方形既等

本篇廿六則甲丙戊與乙巳丁兩角形為兩方形之半者

本篇廿四亦等公論七



增凡角形任于一邊兩平分之向對角作直線即分本形為兩平分

論曰甲乙丙角形試以乙丙邊兩平分于丁本篇十

自丁至甲作直線即甲丁線分本形為兩平分何


者試于甲角上作直線與乙丙平行

本篇
卅一

則甲乙

丁甲丁丙兩角形在兩平行線內兩底等兩形亦

等
本題



二增題凡角形任于一邊任作一點求從

點分本形為兩平分

法曰甲乙丙角形從丁點求兩平分先自

丁至相對甲角作甲丁直線次平分乙丙線于戊

本篇
十

作戊己線與甲丁平行

本篇
卅一

末作己丁直線


即分本形為兩平分

論曰試作甲戌直線即甲戌己巳丁戌兩角形在
兩平行線內同己戌底者等而每加一己戌丙形
則己丁丙與甲戌丙兩角形亦等公論夫甲戌丙
為甲乙丙之半增本題則己丁丙亦甲乙丙之半

第三十九題

兩三角形其底同其形等必在兩平行線內

解曰甲乙丙與丁丙乙兩角形之乙丙底同其形復



等題言在兩平行線內者蓋云自甲至丁
作直線必與乙丙平行

論曰如云不然今從甲別作直線與乙丙
平行本篇 卅一必在甲丁之上或在其下矣設

在上為甲戊而乙丁線引出至戊即作戊丙直線是
甲乙丙宜與戊丙乙兩角形等矣本篇 卅七夫甲乙丙與


丁丙乙既等而與戊丙乙復等是全與其分等也公論

九 設在甲丁下為甲已即作已丙直線是已丙乙與

丁丙乙亦等如前駁之

第四十題

兩三角形其底等其形等必在兩平行線內



解曰甲乙丙與丁戊己兩角形之乙丙與

戊己兩底等其形亦等題言在兩平行線

內者蓋云自甲至丁作直線必與乙己平

行


論曰如云不然今從甲別作直線與乙己平行

本篇
卅一

必在甲丁之上或在其下矣設在上為甲庚而戊丁
線引出至庚即作庚己直線是甲乙丙宜與庚戊己
兩角形等矣本篇三八夫甲乙丙與丁戊己既等而與庚
戊己復等是全與其分等也公論九設在甲丁下為甲
辛即作辛己直線是辛戊己與丁戊己亦等如前駁之

第四十一題

兩平行線內有一平行方形一三角形同底則方形倍
大于三角形



解曰甲乙丙丁兩平行線內有甲丙丁戊方
形乙丁丙角形同丙丁底題言方形倍大于
角形

論曰試作甲丁直線分方形為兩平分則甲丙丁與

乙丁丙兩角形等矣

本篇
卅七

夫甲丙丁戊倍大于甲丙

丁


本篇
卅三

必倍大于乙丁丙

第四十二題

有三角形求作平行方形與之等而方形角有與所設

角等



法曰設甲乙丙角形丁角求作平行方形與

甲乙丙角形等而有丁角先分一邊為兩平

分如乙丙邊平分于戊本篇次作丙戊已角

與丁角等本篇次自甲作直線與乙丙平行本篇而

與戊已線遇于己末自丙作直線與戊已平行為丙

庚本篇而與甲已線遇于庚則得己戊丙庚平行方

形與甲乙丙角形等

論曰試自甲至戊作直線其甲戌丙角形與己戌丙
庚平行方形在兩平行線內同底則己戌丙庚倍大

于甲戌丙矣

本篇
四一

夫甲乙丙亦倍大于甲戌丙

本篇
卅八

增

即與己戌丙庚等

公論
六

第四十三題


凡方形對角線旁兩餘方形自相等

解曰甲乙丙丁方形有甲丙對角線題言兩旁之乙

壬庚戌與庚己丁辛兩餘方形

界說
卅六

必等



論曰甲乙丙甲丙丁兩角形等

本篇 卅四

甲戊庚

甲庚辛兩角形亦等

本篇 卅四

而于甲乙丙減甲

戊庚于甲丙丁減甲庚辛則所存乙丙庚戊

與庚丙丁辛兩無法四邊形亦等矣

公論 三

又

庚壬丙己角線方形之庚丙己庚丙壬兩角

形等

本篇 三四


而于兩無法四邊形每減其一則

所存乙壬庚戊與庚己丁辛兩餘方形安得不等

公論 三

第四十四題

一直線上求作平行方形與所設三角形等而方形角有與所設角等



法曰設甲線乙角形丙角求于甲線上作
平行方形與乙角形等而有丙角先作丁
戊己庚平行方形與乙角形等而戊己庚
角與丙角等

本篇
四二次于庚己線引長之作

己辛線與甲等次作辛壬線與戊己平行

本篇
三一次于丁戊引長之與辛壬線遇于壬

次自壬至巳作對角線引出之又自丁庚引長之與
對線角遇于癸次自癸作直線與庚辛平行又于壬
辛引長之與癸線遇于子末于戊巳引長之至癸子
線得丑即巳丑子辛平行方形如所求

論曰此方形之巳辛線與甲等而辛巳丑角為戊巳

庚之交角

本篇十五

則與丙等又本形與戊巳庚丁同為


餘方形等

本篇四三

則與乙角形等

第四十五題

有多邊直線形求作一平行方形與之等而方形角有與所設角等



法曰設甲乙丙五邊形丁角求作平行

方形與五邊形等而有丁角先分五邊

形為甲乙丙三三角形次作戊己庚辛

平行方形與甲等而有丁角

本篇
四二

次于

戊辛己庚兩平行線引長之作庚辛壬癸平行方形

與乙等而有丁角

本篇
四四

末復引前線作壬癸子丑平

行方形與丙等而有丁角

本篇
四四

即此三形并為一平

行方形與甲乙丙并形等而有丁角自五以上可至
無窮俱倣此法

論曰戊己庚與辛庚癸兩角等而每加一己庚辛角
即辛庚癸己庚辛兩角定與己庚辛戊己庚兩角等
夫己庚辛戊己庚是兩平行線內角與兩直角等也

本篇
廿九

則己庚辛辛庚癸亦與兩直角等而已庚庚癸


為一直線也

本篇
十四

又戊辛庚與戊己庚兩對角等而

辛壬癸與辛庚癸兩對角亦等則戊己庚辛庚辛壬
 癸皆平行方形也
本篇 卅四 壬癸子丑依此推顯
本篇 三十 即
 與戊己癸壬并為一平行方形矣

增題兩直線形不等求相減之較幾何




法曰甲與乙兩直線形甲大于乙以乙
 減甲求較幾何先任作丁丙己戊平行
 方形與甲等次于丙丁線上依丁角作
 丁丙辛庚平行方形與乙等
本題 即得辛

庚戌巳為相減之較矣何者丁丙巳戌之大于丁
丙辛庚較餘一辛庚戌巳也則甲大于乙亦辛庚
戌巳也

第四十六題

一直線上求立直角方形



法曰甲乙線上求立直角方形先于甲乙兩
界各立垂線為丁甲為丙乙皆與甲乙線等

本篇
十一

次作丁丙線相聯即甲乙丙丁為直角方形

論曰甲乙兩角俱直角則丁甲丙乙為平行線

本篇廿八

此兩線自相等則丁丙與甲乙亦平行線

本篇三三

而甲

乙丙丁四線俱平行俱相等又甲乙俱直角則相對

丁丙亦俱直角

本篇卅四



而甲乙丙丁定為四直角方形

第四十七題

凡三邊直角形對直角邊上所作直角方形與餘兩邊

上所作兩直角方形并等

解曰甲乙丙角形于對乙甲丙直角之乙丙邊上作



乙丙丁戊直角方形

本篇
四六

題言此形與

甲乙邊上所作甲乙巳庚及甲丙邊上所作甲丙辛壬兩直角方形并等

論曰試從甲作甲癸直線與乙戊丙丁

平行

本篇卅一

分乙丙邊于子次自甲

至丁至戊各作直線末自乙至辛自丙

至巳各作直線其乙甲丙與乙甲庚既皆直角即庚

甲甲丙是一直線

本篇
十四

依顯乙甲甲壬亦一直線又

丙乙戊與甲乙已既皆直角而每加一甲乙丙角即

甲乙戊與丙乙已兩角亦等

公論

二 依顯甲丙丁與乙

丙辛兩角亦等又甲乙戊角形之甲乙乙戊兩邊與

丙乙已角形之已乙乙丙兩邊等甲乙戊與丙乙已

兩角復等則對等角之甲戊與丙已兩邊亦等而此

兩角形亦等矣

本篇四

夫甲乙已庚直角方形倍大于

同乙已底同在平行線內之丙乙已角形

本篇四


而乙

戊癸子直角形亦倍大于同乙戊底同在平行線內

之甲乙戊角形則甲乙己庚不與乙戊癸子等乎

論公

六 依顯甲丙辛壬直角方形與丙丁癸子直角形等
則乙戊丁丙一形與甲乙己庚甲丙辛壬兩形并等
矣




一增凡直角方形之對角線上作直角方形倍大于元形如甲乙丙丁直角方形之

甲丙線上作直角方形倍大于甲乙丙丁形

二增題設不等兩直角方形如一以甲為邊一以

乙為邊求別作兩直角方形自相等而并之又與
元設兩形并等



法曰先作丙戊線與甲等次作戊丙丁直
角而丙丁線與乙等次作戊丁線相聯末

于丙丁戊角丙戊丁角各作一角皆半于直角已

戊已丁兩腰遇于已

公論
十一

而等

本篇
六

即已戊已丁

兩線上所作兩直角方形自相等而并之又與丙
戊丙丁上所作兩直角方形并等

論曰已丁戊己戊丁兩角既皆半于直角則丁己

戊為直角

本篇
卅二

而對直角之丁戊線上所作直角

方形與兩腰線上所作兩直角方形并等矣

本題

已


戊與己丁既等則其上所作兩直角方形自相等

矣又丁戊線上所作直角方形與丙丁丙戊線上

所作兩直角方形并既等則己戊己丁上兩直角


方形并與丙戊丙丁上兩直角方形并亦等

三增題多直角方形求并作一直角方形與之等



法曰如五直角方形以甲乙丙丁戊為邊任等不等求作一直角方形與五形并等先作已庚辛直角而已庚線與甲等庚辛線與乙等次作已辛線旋作已辛壬直角而辛壬與丙等次作已壬線旋作已壬癸直角而壬癸與丁等次作已癸線旋作已癸子直角而癸子與戊等末作已子線題言已子線上所作直角方形即所求

論曰已辛上作直角方形與甲乙兩形并等
本題已
 壬上作直角方形與已辛及丙兩形并等餘倣此
 推顯可至無窮



四增三邊直角形以兩邊求第三邊長短
 之數

法曰甲乙丙角形甲為直角先得甲乙甲
 丙兩邊長短之數如甲乙六甲丙八求乙丙邊長
 短之數其甲乙甲丙上所作兩直角方形并既與


乙丙上所作直角方形等

本題

則甲乙之纂

自乘之數曰纂

得三十六甲丙之纂得六十四并之得百而乙丙之纂亦百百開方得十即乙丙數十也又設先得甲乙乙丙如甲乙六乙丙十而求甲丙之數其甲乙甲丙上兩直角方形并既與乙丙上直角方形




等則甲乙之纂得三十六乙丙之纂得百百減三十六得甲丙之纂六十四六十四開方得八即甲丙八也求甲乙倣此此

以開方盡實者為例其不盡實者自具筭家分法

第四十八題

凡三角形之一邊上所作直角方形與餘邊所作兩直角方形并等則對一邊之角必直角



解曰此反前題如甲乙丙角形其甲丙邊上所作直角方形與甲乙乙丙邊上所作兩直角方形并等題言甲乙丙角必直角

論曰試于乙上作甲乙丁直角而乙丁與乙丙兩線

等次作丁甲線相聯其甲乙丁既直角則甲丁上直

角方形與甲乙乙丁上兩直角方形并等

本篇
四七

而甲

乙乙丁上兩直角方形并與甲乙乙丙上兩直角方

形并又等

甲乙同乙丁
乙丙等故

即丁甲上直角方形與甲丙

上直角方形必等夫甲乙丁角形之甲乙乙丁兩腰


與甲乙丙角形之甲乙乙丙兩腰既等而丁甲甲丙

兩底又等則對底線之兩角亦等

本篇
八

甲乙丁既直

角即甲乙丙亦直角



幾何原本卷一

欽定四庫全書

子部

幾何原本卷

二之首至
三

詳校官欽天監監正臣喜常

靈臺郎臣倪廷梅覆勘

總校官編修臣王燕緒

校對官臣雲臺郎 陳際新

謄錄監生臣周 璣

繪圖監生臣周履信